

AGNOTEMAGANTJITJEL

OEGOPEGITG — apignatjit 17 tes.—Sagmao Sôsep Tjolian oetji apogoetôg nanagigel otjit mesgig otgatalimgeoei alames, epitag teloisitag Memi Selipai nepgenag gis sag. Mset oen oeleg ola otantjitja. Gisigo Solian Plaspel smateoit.

MAOPOGEG — noeleoimgeoei tepg. 23 tes. 1919.—Gisgog epites nepg. Matlan Los teloisit; oeli epitesoitag tan teli pgiitaogsis 74 tetotjegag, Molis Losôg sageoeiag sagmaoag otosa, alasotmêlseoanetj. Nin N. G. S.

PIGTOG oalnég—apignatjit 3 tes.—Notj, ola elgitemol mtjitjagmitjoei apôgônematingeoei otjit nigmanenag nepgag Noel Lamoliôga, oegela nanaigel.

Maoui mtoeg gesig nigea asogômigpetg epegoitga teli pasteg mgomitjel gaggpesao ag gatag môgoe nepamegig, gato mo lwin oasteoinog. Tjinemog elitotitjel tjagetjoapitjela elolamegepen 100 taosen telaotigel somalgi neotetjgela. Ntaliasotmôgôminen soel gagi gisitasig, pasig msagtagt menag igatasinog ag gotpotil na paseg telgig notateg, gato maloi angamgog lamigoôm. Nige esgematasig otagnei igana. Ponamoigos 30 tes. gisigo Piel Oelmet teoiet oiga ag Noel Lolan pegising ola pigtoga natji mitogoet ag Miel Moin. Nin M. P. S.

OAGMETGOG onamagig ponamoigos 28 tes.—Mitjoatjitjag nepgag teloisitag Piel Tjali, elgitg solioei tapoagigel otapôgônemasotioôo mtititiamitjga Pielao Glemôo ag Pigtol Gogo; tapogel alamesel, solioei neotigel. Nin T. P.

LEMOTJGIG — 25 apignatjit 1920—gisgog pilei gtjipathiasemino etli gtjipathiasoalot mesgig alasotmaganigtog. Maopigoelgig gtjipathias ag pathias ag mimatjoinog tegôtemitij. Tjel Inog oetjitatij getoi nemitotij tan gôgoei teli pagalptemeg ag teli aoisio nemitasig.

PIGTOG oalnég — apignatjit 17 tes. maltigleoimig, sagmao Matieo Plansoe elgitemoatjel Inoi pathiasel nanagigel mitjijagmitjoei alames otjit Malian Teniôg Oilliem Teni otepitema, nepgag apignatjitô neogtoniliga.

MIAOPOGEG — ponamoigos 12 tes.—Ansema nigetj gisi logoasig mesgig salite ogtjit ogtjijagmitjel Malten Losôg tan nepg gtjigos 1919, nigetj eoôgmaoitjig eli olitasoltitjig agtaig salite elgitemeg listogotjg \$30. 2 mesgigel alamesel esgoiag aptjetjgel ogteli litasin megoaig migmag ogtji maoui alasotmêlseoaneno gôgmanoag miaopogeg, Molis Losôg ogtosa; oeli epitesoitag negao ag oeli oantagi gespietg. Nin S. T. G.

MALIGIAG — apignatjit 9, 1920 Notjinen geginoatol me tan telôltieg, môgoe oen gesinogoago me ta gato nige totjioa; etabei ma mset ogteli oleina. Oellogotieg potalioel eltoegel ag eta temignatgol lôg oelaotigel, lôg na oetjatoeg pemaoagsing. Ag mo gesi gogonemo piloei agnotemagan tan tepias oigasitten ogtjit ollapetemoagen. Nin L. L.

MOLIANG — mimatjoinog oenagatotij mesgig otmôtagenoôo ogtjit angooei mesoi ntaoemgeoei sist gisna neo neogtipongeg, teloitotjig "Canadian Fur Auction Sales Co". Amsgoeseoei nigani agnotemeg ogtjit sigôgos. Oen gtoi atji gtjijitog goilotemoatj.

—:o:—

LNO MENIGOG epegoitg—apignatjit 17, 1920.—Nige togo totjio telasig istege petjipogoel nige tepig oasteoa. Tapositjig nepgig epit ag tjinem: 1 tes. ap. epit nepg Mali Plansoe Piels Toma Piels otepitema; ap 15 tes. Tjô P. Pelnal nepg; alasotmêlseoanetj. Gisigo Stanislas Plansoe gesinogoat, pathiasel tjel gisi logootjel, Ansema gisgatjeg ongatenen ositgamo. Na nogo mset oen oeleg ola otana. Nin S.L.S.

—:o:—

PAGEOIMGEOEI

Gis sag teplotaganig elogoatemeg pageoimgeoei: Tesit pa alasotmeoino gisna alasotmeoinosgo tan tetotjeg onsetoein telgitasit opagapogoatemen ogteloeitil sig tóg neogt neogtipongeg ag elp omsenemen petjili aptjijimgeoei sig tóg pageoimgeg. Tan oen pelatóg getel pa mesgig eloeoti patatog; teli msegig tjel maogig oetjiag tan meboeg ogtjit negem, istege meandotj alasotmaganigtog, tóg tli npeg